



## **Universitätsbibliothek Paderborn**

### **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. VI. De Missa coram Episcopo celebrari solita.

[urn:nbn:de:hbz:466:1-48307](#)

V. Post Missam , ubi in Sacristiam redieris , factaque Crucis reverentia Planetam & Manipulum deposuerit , vertit se , & primum Assistenti flexis genibus benedictionem petenti manum deosculandam porrigit , & benedit , dicens : *Benedicat te Omnipotens DEVS, Pater, & Filius, & Spiritus S. Amen.* Sicque reliquos Ministros sibi succedentes , & post hos etiam Laicos benedit.

### T I T U L U S VI.

#### DE MISSA CORAM EPISCOPO CELEBRARI SOLITA.

##### Ritus Communis.

I. Quando Celebrans ad Altare accedit , in accessu prius Episcopo profundam (aut, si alicubi mos ferat, omnino mediocrem genuflexionem ) deinde Altari convenientem reverentiam facit. Cærem. Episc. l. 1. c. 18.

II. Antè, quām principium Missæ faciat , stans à cornu Evangelij facie versū Epistolæ cornu conversa , obvertit se cum profunda inclinatione Episcopo ad licentiam obtainendam , eodemque annuente Missam inchoat.

III. Sub *Confiteor* non dicit *& vobis Fratres*, sed *tibi Pater* , similique iterum se versū Episcopum cum profunda inclinatione convertit.

IV. Dicto *Oremus* faciens profundam reverentiam Episcopo , accedit ad medium Altaris ante insimum gradum , & ibi secretò incipiens Orationem *Aufer à nobis* ascendit ad Altare , Minister verò ad cornu Evangelij , ibique genuflexus inservit. Bauldrius p. 3. c. 13.

V. In fine Evangelij non osculatur librum , nec dicit *per Evangelica dicta* , sed Minister accipit librum , & sine genuflexione stans deosculandum Episcopo offert , & tum facta genuflexione librum claudit , & ad Altare reportat.

VI. Dicta prima Oratione ante Communionem , osculatur Altare in medio atque etiam instrumentum *Pax* à Ministero oblatum dicens : *Pax tecum* , cui Minister respondet : *Et cum Spiritu tuo* : & mox ad Episcopum defert instrumentum , eique osculandum porrigit dicens pariter : *Pax tecum*,

*Instruct. I.*

**K**

*cum,*

cum, & post hæc verba dicta, non antè, debitam reverentiam facit.

VII. Antè, quām benedictionem det, dicto *Placeat & benedicat vos Omnipotens Deus*, convertit se ad Episcopum, & capite inclinato quasi licentiam benedicendi petens prosequitur: *Pater, & Filius, & Spiritus Sanctus*, benedicens stantes à parte, ex qua non flectit Episcopus.

VIII. Finito Evangelio ultimo, conversus ad Episcopum adhuc stans in cornu Evangelij, facit illi reverentiam, & eo discendente revertitur ad Sacristiam.

IX. Hæc omnia tum tantum observat, quando coram Episcopo in loco suæ Jurisdictionis legit, non autem in alio loco, nec coram alio Prælato Ecclesiastico licet Majore (excepto Pontifice) multò minus Principe Laico, quamvis his ex tolerantia instrumentum pacis, & liber (non tamen ille, quo Celebrans utitur, quemque propterea tunc osculari debet) deosculandus offerri, & reverentia in accessu & recessu fieri possit, non tamen Feminis, excepta reverentia. Bauldr. p. 3. c. 10. n. 9.

### Ritus Solemnis.

I. Quandocunque in Missa solemani apud Altare incensatio facienda est, incensum non à Celebrante, sed ab Episcopo imponitur in thuribulum.

II. Postquam dixit Celebrans *Miserereatur*, versus Episcopum convertens sese, faciensque reverentiam ab eo absolutionem accipit, & tum iterum pergit.

III. Nec Subdiacono post Epistolam, nec Diacono ante Evangelium benedit, sed utrumque hoc Officium Episcopo relinquit, qui etiam solus post Evangelium osculatur librum Evangelij à Subdiacono oblatum, & à Diacono incensatur.

IV. Sub Offertorio, antequam Subdiaconus aquam in Calicem infundat, urceolum elevatum versus Episcopum tenet, ut ab eo benedicatur, unde Celebrans abstineat hujusmodi benedictione.

V. Post Orationem primam pro Communione dictam Diaconus acceptam à Celebrante pacem, sive per osculum, sive per instrumentum defert. Reliqua ut in Missa communione observantur.

TITU.